

XIV
SEJM KORONACYJNY KRAKOWSKI 1507 R.

Po sejmie tym wydane zostały wici:

A. Litterae restium per terras Maioris Poloniae si opus fuerit mittendae et in manus campiductoris generalis datae, z 14 marca 1507 r.¹

B. Litterae restium similiter per terras Minoris Poloniae mittendae, z tej samej co i wici wielkopolskie daty 14 marca 1507 r.²

**A. LITTERAE RESTIUM PER TERRAS MAIORIS POLONIAE,
 SI OPUS FUERIT MITTENDAE
 ET IN MANUS CAMPIDUCTORIS GENERALIS DATAE**

Sigismundus Dei gratia rex Poloniae etc.

Universis et singulis subditis nostris ad bellicam expeditionem de iure, consuetudine et instituto obligatis in terra^a et districtu^b consistentibus, fidelibus nostris dilectis, gratiam nostram. Fideles nostri dilecti! Cum in conventionem generali felicis coronationis nostrae per nos ac universos consiliarios nuntiosque terrarum inter cetera pro defensione regni consulta laudatum decretumque sit, ut descriptio uniuscuiusque regnicolae nostri ad expeditionem bellicam obligati pro quantitate bonorum fieret, licet iam ipsa conscriptio fuerit facta, licet quoque terrarum Maioris Poloniae et Russiae, dumtaxat expeditio fieri debuit, prout et nostro effectu agitur, propterea quod hostis non adeo potenter valideque properare ad invadenda dominia nostra animadversus est. Tamen quia novissime, dum nos itineri versus Magnum Ducatum Litvanie accingeremus ecce, ab exploratoribus nostris certo didicimus hostem Turcum et Tartarum dominiis nostris infensissimum paratum copiosumque in campis iacere iamque anhelare properando nostra dominia depopulatum invadere. Ne itaque respublica universusque populus terrarum Russiae ceterique hosti continuo obiecti ex hac moderatione expeditionis hoste praedicto validius contra nostros veniente fraudarentur, ne quoque toti regno (quod procul sciat Deus) per negligentiam communis eveniat calamitas, ad communia arma consurgendum terrasque etiam Maioris Polonie commovendas obviam illi duximus, vobis omnibus et singulis suprascriptis strictius mandantes, quatenus pro die^c cum omni apparatu bellico iuxta totalem descriptionem, per palatinum vestrum nuper factam, sub poena capitis et bonorum privatione ad locum^d veniatis et sese illic constituatis ac uniusquisque verum constituat. Et quorsum necessitas postulaverit ipsum palatinum vestrum et magnificum Nicolaum de Camyenyecz, palatinum et capitaneum Cracouiensem regnique nostrum campiductorem generalem, cui omnem in praemissis dedimus potestatem, secuturi et absque omni reverentia obsecuturi, quicquid ea in re vobis mandaverint. Ceterum volumus, ut hasce restium litteras in vim ultimarum scriptas unus ad alium sibi viciniorem sine mora mittat, ultimus vero eas loci capitaneo sub poena ad id de iure instituta repraesentet. Datum Cracoviae, feria sexta in crastino Ascensionis Domini, anno Nativitatis eiusdem millesimo quingentesimo septimo, regni vero nostri primo.

^a Pozostawiono puste miejsce. ^b Pozostawiono puste miejsce. ^c Pozostawiono puste miejsce. ^d Pozostawiono puste miejsce.

¹ Tekst ten, zawarty w MK, t. 22, k. 132, skopiowany został przez I. Dwornicką i skolacjonowany z udziałem R. Zawadzkiego z mikrofilmem AGAD, nr 640.

² Tekst ten, zawarty w MK, t. 22, k. 152 v., skopiowany został przez I. Dwornicką i skolacjonowany z udziałem R. Zawadzkiego z mikrofilmem AGAD, nr 640.

**B. LITTERAE RESTIUM SIMILITER
PER TERRAS MINORIS POLONIAE MITTENDAE**

Sigismundus Dei gratia Rex Poloniae etc.

Universis et singulis subditis nostris ad bellicam expeditionem de iure, consuetudine et instituto obligatis in terra^a et districtu^b consistentibus fidelis [!] nostris dilectis gratiam nostram. Fideles nostri dilecti! Cum in conventionem generali felicis coronationis nostrae per nos ac universos consiliarios nuntiosque terrarum inter cetera pro defensione regni consulta laudatum decretumque sit, ut et terrarum Minoris Poloniae Russiaeque expeditio communis et descriptio uniuscuiusque regnicolae nostri ad expeditionem bellicam obligati pro quantitate bonorum fieret, licet iam ipsa conscriptio fuerit facta. Tamen quia hostis noster adeo properare animadversus est lacessendi nos moderationem expeditioni et conscriptioni eiusmodi parandi de gratia nostra subditorum expensis impartiti sumus, ut scilicet minore impensa et apparatu tamdiu defensionem insisteretur, donec hostis (quod tamen procul sciat Deus) potentias adventare persentiretur. Verum quia novissime, dum nos itineri versus Magnum Ducatum Litvaniae accingeremur ecce, ab exploratoribus nostris certo didicimus hostem Thurcum et Thartarum dominiis nostris infensissimum, paratum copiosumque in campis iacere iamque anhelare properando nostra dominia depopulatum invadere. Ne itaque respublica universusque populus terrarum Russiae ceteri que hosti continuo obiecti ex hac moderatione conscriptionis hoste praedicto validius contra nostros veniente fraudarentur ad communia arma consurgendum, obviam illi duximus vobis omnibus et singulis suprascriptis strictissime mandantes, quatenus pro die^c cum omni apparatu bellico iuxta totalem descriptionem per palatinum vestrum nuper factam, sub poena capitis et bonorum privatione ad locum^d veniatis et sese illic constituatis ac unusquisque vestrum constituat. Et quorsum necessitas postulaverit ipsum palatinum vestrum et Magnificum Nicolaum de Camyenyecz, palatinum et capitaneum Cracoviensem regnique nostri campiductorem generalem, cui omnem in praemissis dedimus potestatem secuturi et absque omni reverentia obsecuturi, quicquid ea in re vobis mandaverint. Ceterum volumus, ut hasce restium litteras in vim ultimarum scriptas unus ad alium sibi viciniorem sine mora mittat, ultimus vero eas loci capitaneo sub poena ad id de iure instituta repraesentet. Datum uti supra in praemissis.

XV

SEJM WALNY KRAKOWSKI 1508 R.

Po sejmie tym zostały wydane wici:

A. Litterae restium, z 11 maja 1508 r.¹

B. Restes ex Lyublin, z 11 maja 1508 r.²

C. Litterae restium per terras Cracoviensem, Sandomiriensem et Russiae in manus campiductoris missae, z 31 lipca 1508 r.³

^a Pozostawiono puste miejsce. ^b Pozostawiono puste miejsce. ^c Pozostawiono puste miejsce. ^d Pozostawiono puste miejsce.

¹ Tekst ten jest zawarty w MK, t. 24, k. 24, mkrf. AGAD, nr 642 i został skopiowany przez W. Uruszczaka i I. Dwornicką, zaś zweryfikowany filologicznie przez p. Julię Mrukówną.

² Tekst zawarty w MK, t. 24, k. 24 v. (AGAD, mkrf. nr 642) został skopiowany i zweryfikowany, jak poprzedni.

³ Tekst zawarty w MK, t. 24, k. 35 v. (AGAD, mkrf. nr 642) został skopiowany i zweryfikowany, jak poprzedni.